

أسرار اسم الله الشكور " الجزء الثاني " | #خطبة_جمعة | د .

حازم شومان

حازم شومان

ان الحمد لله نحمده ونستعين به ونستهديه ونستغفره ونعوذ بالله من شرور انفسنا ومن سيئات اعمالنا انه من يهده الله فلا مضل له.

ومن يضل فلن تجد له هاديا مرشدا. يا ايها الذين امنوا اتقوا - [00:00:01](#)

اتقوا الله حق طقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما

رجالا كثيرا ونساء واتقوا الله الذي تساءلون به والارحام. ان الله كان عليكم رقيبا - [00:00:24](#)

يا ايها الذين امنوا اتقوا الله. اتقوا الله وقولوا قولا سديدا. يصلح لكم اعمالكم ويغفر لكم ذنوبكم. ومن يطع الله ورسوله فقد فاز فوزا

عظيما. اللهم صل على محمد محمد وعلى ال محمد كما صليت على ابراهيم وعلى ال ابراهيم انك حميد مجيد. اللهم بارك على محمد

- [00:00:54](#)

على ال محمد كما باركت على ابراهيم وعلى ال ابراهيم انك حميد مجيد. اللهم اجعلنا من ال محمد اللهم ان من انصار محمد اللهم

اجعلنا من جيران محمد في الفردوس الاعلى. اللهم يا ربنا احينا على سنته وامتنا - [00:01:24](#)

على ملته واحشرنا تحت لوائه يا رب العرش الكريم. اما بعد اخواني واحبابي في الله تخيلوا كده لو جنبنا رجال عاشوا عمرهم كله في

العالم عشان الرفق بالحيوان. اقوى ناس اسسوا جمعيات الرفق بالحيوان. واكثر - [00:01:44](#)

ناس اغنيا في الدنيا كلها. واكثر ناس عملوا جمعيات خيرية للفقراء والمساكين. واكثر ناس كرما واهل بر واهل فضل واهله. صنائع

معروف وجبناهم كلهم جمعناهم كده. وقلنا لهم يا جماعة اه يعني احنا عايزين بس اه يعني نكرم حد - [00:02:04](#)

كده عمل حاجة يا اخوانا واحد كان ماشي في الشارع لقي مسمار مرمي في الشارع قال المسمار ده ممكن كلب ولا قطة ماشيين في

الشارع اغرس في رجليهم وهم كائنات يعني ما تقدرش تعمل لنفسها حاجة. فقام شايله او ممكن يبجي في رجلين طفل يجرحه فقام

شايله - [00:02:24](#)

انتم تكافئوا الراجل ده بايه؟ نكافئ ايه يا عم او ممكن يبجي في كاوتشة عربية يقوم منيم العجل في الارض فانا شايله انتم تكفوا

هتكفوا بايه يعني ادي له يعني شهادة تقدير ولا هندي له نشان ولا هندي له مكافأة مادية هندي له ايه؟ الراجل ده ربنا ادي له ايه؟

الراجل اللي شال غصن شوك من طريق - [00:02:44](#)

مسلمين الله سبحانه وتعالى الرسول عليه الصلاة والسلام يقول فشكر الله له فغفر له فادخله الجنة جنة اداله جنة عرضها السماوات

والارض عشان ايه؟ عشان شال مسمار من طريق المسلمين. عشان شال شوكة كان ممكن تجرح - [00:03:04](#)

حيوان او تجرح بني ادم. يا اخوانا هنتكلم عن اسم الله الشكور. هنتكلم عن اول اسم هتفتكروا على باب الجنة. اول ما هتشوف الجنة

قد تذهل يا رب العمل اللي انا عملته لا يتناسب مع الاجر اللي انت بتديه لي. يا رب طب كان الاجر يبقى ميت ضعف العمل. طب كان

الاجر يبقى عشر - [00:03:24](#)

الضعاف العمل. طب كان الاجر يبقى مليون ضعف العمل. يا رب جنة عرضها السماوات والارض عشان ايه؟ انا ما عملتش حاجة اول

اسم هتفتكره على باب والجنة اسم الله الشكور. اسم الله الشكور اسم ممكن يغير حياتك. اسم ممكن يفجر طاقة جبارة جوالك. لو انت

فهمت يعني ايه الشكور - [00:03:44](#)

الشكور لو شكر لك عمل صالح هيعمل لك ايه. دنيا واخرة الشكور ببديك ايه ؟ اسم هيفهمك يعني ايه ؟ ليس كمثله شيه ما حدش هيديك زي ربنا. ما حدش هيكرمك زي ربنا. ما فيش حد في الدنيا بيدي الا على قدر العمل. انما ربنا حاجة تانية خالص يا جماعة -
00:04:04

يا جماعة تخيل لو كده زوجتك قامت عاملة طبق محشي وقامت مدياه لجارتك. فجارتك بعد ثلاث اربع تيام بترد الطبق عمرها ما هترجعه فاضي فهي حطت فيه ايه ؟ قامت حاطة فيه مسلا حلويات خالص يا ستي تشكري انسانة زوق وآآ وكريمة. طب تخيل لو حطت فيه مكسرات لا لا لا - 00:04:24

ده انت انسانة كريمة جدا بجد. تخيل بقى لو قامت مالية الطبق لقالق ودهب وسبايك ذهب وجواهر كريمة من اغلى الجواري اللي في الدنيا وقامت مرجعاه المستحيل. ده لو اعظم ملك في الدنيا ما بيعملش كده يا جماعة. هو ده ربنا سبحانه وتعالى. لا يمكن تدي له -
00:04:44

حاجة ويرجعها لك زي ما انت اديتها. لا يمكن المرأة البغي البغي دي والعياذ بالله ما فيش فجور في الدنيا اشد من هذه المرأة. المرأة دي كلب عطشان كلب ادته شوية ميه شربة ميه. هي ما دخلتش في فم كائن من الكائنات. شربة الميه دي هي - 00:05:04
ابها للعمل الصالح. هي بتعمل عمل صالح. شربة المايه اللي ذهبت الى العمل الصالح ربنا رجعها لها. جنة عرضها السماوات والارض فغفر الله لها. يعني يا رب شربة مية ترجع لك ده مش طبق اكل وارجع لي مليون لقالق وجواهر. ده انا باقدم شربة - 00:05:24
ميه ربنا رجعها لي جنة عرضها السماوات والارض. اسم جبار اسم جاي من جوة الجنة. اسم من اول الاسماء اللي اهل الجنة. اول ما بيدخلوا الجنة ما بيقلوه انه غفور شكور. فعلا ربنا شكور سبحانه وتعالى. هنتكلم عن عناصر يا جماعة. العنصر الاولاني فشكر الله -
00:05:44

يعني ايه؟ العنصر الثاني وكان سعيكم مشكورا. ايه الفرق بين كان سعيكم مقبولا وكان سعيكم مشكورا. كلمة تخليك تسعى ليل نهار في العمل الصالح لو فهمتها. العنصر الثالث انه غفور شكور - 00:06:04
فشكر الله له. فشكر الله له. يعني ايه؟ فشكر الله له. كان آآ يعني اللي منكم يعني فوق الخمسة واربعين مسلا يفتكر مصر واحنا اطفال وايام نهاية السبعينات واول الثمانينات كان القرش خالص بيموت يعني كلمة قرش دي - 00:06:24
آآ كان خالص بتنتهي. فكانت القروش بقت قليلة ولكن الناس لسة بيتعاملوا بها. لسة فيه تعاملات عند الفقراء قوي او عند الاطفال مسلا انهم لسة بيتعاملوا بالقرش. آآ واحدة من الداعيات الى الله سبحانه وتعالى كانت رايحة تدعو الى الله آآ في قرية من القرى البعيدة. فراحت - 00:06:44

درس للنساء فبيكلمهم عن الجنة ونعيم الجنة وعطاء الله لاهل الجنة. فواحدة ست كبيرة استنتها بعد الكلمة بعد الدرس. وقالت لها يا بنتي انا معي فلوس مبلغ من المال انا عايز اطلعه في الاعمال الخيرية. عايز اطلعه يعني في حاجات الخير اللي انت بتتكلمي عنها انها بتدخل الجنة - 00:07:04

عرضها السماوات والارض. قالت لها طيب هاتيه. قالت لها لا ده هو في البيت. قالت لها طب يعني هو في البيت طب انا مستعجلة. قالت لها طب تعالي معي اديه لك في سانية - 00:07:24

خرجت لها بكيس كده لفة محطوطة جوة كيس وادتها الكيس وقالت لها خرجي لي المبلغ ده. لحاجة ربنا يدخني بها الجنة فالداعية دي روحت بيتها فبفتتح الكيس لقت جواه قرشين صاغ. قرشين فالقرشين ده يتعمل بهم ايه ده - 00:07:34
نجيب حاجة حلوة لطفل بهم ولا ايه ؟ في هزه الايام. المهم طلعتهم صدقة لحد من الفقراء في هذا الوقت. ومرت الايام وعدت سنة كاملة وهزه الداعية نزلت القرية دي نفسها بعد سنة. فجت لها واحدة فبتقول لها انا انا بشوف حاجة غريبة اوي في المنام. قالت لها ايه - 00:07:54

بتلاقي فاكرة الست اللي كانت وقفت معك. لما انت جيت لنا من سنة قالت لها اه. قالت لها اللي هي خدتك لحد بيتها. قالت لها اه. قالت لها الست دي ما لها - 00:08:14

وبعد ما ماتت انا باشوف في المنام انها جاية لي بتقول لي يا فلانة انا دخلت الجنة بقرشين وانا مش فاهم يعني ايه دخلت الجنة بقرشين؟ ايه الجنة العظيمة دي! اللي حد يدخلها في قرشين هذه الداعية هي الوحيدة في الدنيا اللي كانت فاهمة معنى الرؤية دي - [00:08:24](#)

يعني ايه دخلت الجنة بقرشين؟ قرشين دول يعملوا لك ايه في الدنيا؟ ولكن عند الله لما يشكر لك فشكر الله له. الله سبحانه وتعالى يقبل منك القليل والكثير. الله سبحانه وتعالى هو اللي بيقبل منك كل حاجة. لان هو اللي يعلم اللي في قلبك وانت بتطلع وهو اللي يعلم انت ايه اللي - [00:08:44](#)

تملكه اصلا وانت بتطلع اعرف شاب من الشباب. بيذكرني بكلمة رسول الله صلى الله عليه وسلم. فشكر الله له. لو ربنا شكر لك لو ربنا سبحانه وتعالى شكر لك عمل صالح. انا عارف الشاب ده بنفسي الشاب ده كان آآ يعني دخل كلية من الكليات وكان نفسه - [00:09:04](#) كان عنده طموح فكان نفسه يتعين في الجامعة. وحاول ولكن ما جتش خالص وكان بعيد جدا عن الموضوع. اتخرج من الكلية وكان على قد حاله جدا ما كانش معه فلوس خالص وطبعاً محطم بقى لانه حاسس ان انا لا انا خدت المركز اللي انا عايزه ولا معي فلوس وخلص والدنيا ماشية به كده. الشاب ده - [00:09:24](#)

عرف ان في طالب من الطلبة آآ هيترفد والشاب ده كان اتعرض لنفس الازمة ديت في اول الكلية بتاعته كان هيترفد ما كانش عاجبه الكلية بتاعته ولا كان راضي بها. ففي طالب من الطلبة كان هيترفد وده اخر فرصة له لو سقط في الامتحانات اللي جاية دي يترفد - [00:09:44](#)

ويتشال من الكلية. فصعب عليه انا عارف الشاب ده بنفسه يعني. فصعب عليه آآ الطالب اللي هو الصائد ده بدأ يروح له يوميا يذاكر له كل المواد مادة مادة. ويعني ممكن تمن المواصلات كان بياخده من اهله عشان يروح له به - [00:10:04](#) وقعد شهور كاملة يذاكر له يوميا كذا ساعة مادة ما بياخدش منه ولا مليم الثاني ده لا يملك شيه اديه له اصلا. لا يأخذ منه اي شيه ولكن هي شهامة هو رافة. هي رحمة. وقعد شهور كده لحد ما الطالب نجح. وعدى من السنة. و - [00:10:24](#) الموضوع بعدها السنة اللي بعدها او بعدها بفترة الطالب اللي نجح ده عرف ان فيه اتنين من زمائله عايزين حد يشرح لهم. فبعتهم اللي بيشرح لهم فقالوا له خلاص احنا هناخده كأنه درس ونديك. بدأ يشرح لهم العيال انبهرت بالشرح بتاعه. فبدأ يجيبوا صاحبهم وصاحبهم - [00:10:44](#)

يجيبوا اصحابهم وصاحبهم يجيبوا اصحابهم. والله يا اخواني انا دخلت عليه مرة وهو بيشرح امم الجامعة كلها بتاخذ عنده. وصل بدرجة من الملايين اللي كسبها ان هو كان لما اهله بيغسلوا هدمومه وينشروها على الحبل كانت الاموال بتقع من جيوب - [00:11:04](#) كان بيرجع كل يوم معه شنطة فلوس مليانة رزم فلوس وكسب ملايين. وهو فشكر الله له. كانت البداية شهامة كانت البداية موقف مجددة. موقف رجولة ورافة ورحمة فشكر الله له. فشكر الله له. يعني ايه؟ فشكر الله - [00:11:24](#)

لو ربنا شكر لك سبحانه وتعالى شاب من آآ الدعاء الى الله شاب شغال في الدعوة الى الله وهو في يعني سفر من الاصفار بتاعه فشاف واحدة عجبته يعني بص عليها عجبته. فراح عشان يتجوزها اكتشف انها مش مسلمة. ولكن يعني كان وقعت في قلبه وهو - [00:11:44](#)

خلف الدعوة وشاب صالح فوقعت في قلبه راح يتقدم لاهلها. فطبعاً هم مش مش موافقين في الاخر وافقوا. قبل ميعاد اسبوع يحصل لها حادثة وتموت. قلبه اتكسر وجا له اكتئاب حد. وآآ يعني دخل في ازمة وبعد كده بدأ بقى يفوق منها. وبدأ - [00:12:04](#) استغفر ربنا وبدأ يرجع تاني للدعوة. وبدأ يرجع تاني للامال الصالحة. حس بدوخة بدأ يجي له اعراض نزيف. مش فاهم فيه ايه؟ راح يعمل فحوصات طب اعمل اشعة طب الاشعة اعمل اشعة على المخ. طلع عنده سرطان في المخ. سرطان في المخ. الدكاترة حدوا له ميعاد عملية اصيب بيأس كامل - [00:12:24](#)

ساب كل حاجة بيعملها ما عايش قادر يعمل حاجة قاعد من كتر الرعب من الموت مستني الموت وخلص. ما بيعملش اي حاجة وساب كل حاجة. قبل ميعاد العملية ثلاث ايام فقابل حد برضو من الشباب الصالح اللي شغال في الدعوة قال له طيب الزم الصلاة

على رسول الله. مش قادر تعمل حاجة الزم الصلاة على حبيب الله محمد عليه - [00:12:44](#)

الصلاة والسلام. فكأن طوق نجاة ربنا نزل له حاجة قادر عليها في وسط الاحباط اللي انا فيه. بيقول ثلاث تيام لا يكف عن الصلاة عن رسول الله البكاء وعن التضرع الى الله. راح في ميعاد العملية الدكاترة ملاحزين عليه تحسن شديد جدا. اجلوا له ميعاد العملية بعد فحوصات - [00:13:04](#)

معينة بعد فترة والعملية بيتأجل ما عدا الدكتور اخر كلمة قالها له بعد اخر اشعة عملها على المخ قال له مين اللي دعا لك؟ اصل دي مش كفاه لبشر. قال له اللي دعى لك ده حد. ربنا تقبل منه قوي لان انت ربنا شفاك. الشاب ده يا جماعة الشاب ده ربنا شكر له ايه - [00:13:24](#)

شكر له الصلاة على رسول الله صلى الله عليه وسلم. ومش بس كده وشكر له الدعوة الى الله. لانه كان راجل مع دين ربنا. لانه كان داعي الى الله وبأما - [00:13:44](#)

كل من عمل في الدعوة الى الله يرى من الله عطاءات تذهله وتبهره. ربنا ما سابوش يقع. في اللحظة اللي كان هينهار فيها دنيا ودين ربنا سبحانه وتعالى اخذه بيده. فيمين الداعي الى الله في يمين الرحمن. اذا جاء ليسقط ليمنعه الله من السقوط. الله - [00:13:54](#) شكر له. الله شكر له عبادته. الله شكر في اسوأ ازمة في حياته. واصعب ازمة في حياته. شاب من الشباب كان آآ يعني بيحب الخير والعمل الخيري والشاب ده من القاهرة. الشاب ده يعني عرف ان في مريض فشل كلوي نسال الله العفو - [00:14:14](#) العافية الله يجعل شفاءنا وشفاء المسلمين سهلا ميسورا. عرف ان عنده فشل كلوي وببروح ثلاث مرات. المتعود عليه بين الشباب اللي بيعملوا اعمال خيرية في الحالة دي ان كل مرة واحد بيودييه لانه بيقعد يستنى ست ساعات وعما يودييه والجلسة ترجع - [00:14:34](#)

ويعني اللي عارفين مشاركين في الموضوع ده او دكتور امراض كلى او كده فاهم الموضوع ده كويس والملابس بتاعته. لدرجة فمرة يعني الراجل ده رجليه اتكسرت. فالمرضة بتقول هاتوا ابنه. هاتوا ابنه عشان لازم يتعمل له اشعة ولازم يتجبس ولازم. يعني فبتقول له اسم ابوك - [00:14:54](#)

السلاسي ايه؟ فقال لها ما اعرفش اسمه قالت له فيه وعي واحد ما يعرفش اسم ابوه. قال لها ما هو مش ابويا. قالت له او مال انت مين؟ قال لها انا انا - [00:15:14](#)

واحد باجيبه ثلاث مرات واستناه ثلاث ست ساعات كل مرة عشان يعني عمل خيرى عشان ربنا عشان سواب العمل الخيري الست كانت اتجنن والدكاترة كانوا انت بتتكلم بجد انت اللي كل الشهور اللي فاتت دي معه. ده مش ابوك! ولا بينك وبينه حاجة هذا الشاب يقول الله - [00:15:24](#)

سبحانه وتعالى فتح عليه في الوزيفة بمركز احسن مما يتخيل. في الزواج بزوجة جميلة احسن مما يحلم. في الزرية بارك له فيها. ربنا ادى له كل حاجة. ربنا ربنا شكور يا جماعة. فشكر الله له. فشكى اسم يفتح نفسك للحياة - [00:15:44](#)

اسمي عرفك ان ما فيش حاجة عند ربنا هتضيع. لو ابتسمت في وجه طفل صغير ومسحت على راسي واديته من بوناية وفرحت قلبه الشكور يفرح قلبك. لو قلت كلمة طيبة لزوجتك الغلبانة المسكينة دهيه اللي قاعدة شقيانة في ضهرك طول اليوم عشان انت في الاخر ترجع تقول لها كلمة حلوة - [00:16:04](#)

الشكور هيجبر خاطر كزي ما جبرت خاطرها. لو جبرت خاطر يتيم او مسكين او مريض. لو انت اتكلمت كلمة عن ربنا وبقيت شهيم مع الدين ما تشوفش ربنا بيعصى وتسكت. لو انت تعبت عشان ربنا في اي حاجة. الشكور هيشكرها لك. ممكن يشكرها لك. انه يرزقك موتة حلوة اوي - [00:16:24](#)

قوي قوي قوي. في الوقت اللي الناس ممكن تكون بتموت فيه موتات صعبة جدا. ممكن يشكرها لك. ممكن الشكور يشكرها لك. ان مرض شديد وبنجيك منه ان مصيبة كانت جاية ويرفعها عنك. انه يفتح لك باب رزق يوسع عليك في حياتك طول عمرك. انه يغير لك الزروف الخانقة اللي انت عايضاها - [00:16:44](#)

فيها. يعني الشكر مش بس في الاخرة. ربنا لو شكر لك فابشر باسم الله الشكور. ان تجلى الله عليك باسم الله اتنين وكان سعيكم

مشكورا. يعني ايه وكان سعيكم مشكورا؟ طب ليه مش كان سعيكم مقبولا؟ هو هو اهم الصالحين للقبول - [00:17:04](#)

لانه لو قبلك هيشكر لك. انما الشكر ده بقى يعني ايه؟ يعني ايه كان سعيكم مشكورا؟ الشكر في اللغة يا جماعة يعني قرأت مسل كده قعدت ادور وراه يقول لك اشكر من باروق وفي قراءة من بروق. قعدت ادور ايه البروق! وياه البروك ده! لقيت الباروك ده نبات! نوع

من انواع النبات ازهاره بيضا - [00:17:24](#)

كده نبات طبي بيستخدم في العلاج في عدة امراض. فقعدت ادور في المصادر النباتية هو الباروك ده ايه؟ يعني ايه القصة اللي يقول

لك اشكر من باروك طلع نبات عجيب جدا. ده النبات الوحيد اللي بيخدر بمجرد ان يظهر السحاب في السماء - [00:17:44](#)

مجرد يعني الدنيا لسة ما اشتدش. المطر لسة ما نزلش. غيمت بس. بقت السما فيها سحاب بس يبدأ يخضر هذا النبات وينبت يقول لك بمجرد الندى من غير ما المطر ينزل شوية الندى اللي على وجه الصباح دول بيخلوا النبات ده ينبت ويزدهر. نبات عجيب جدا -

[00:18:04](#)

طب يعني ايه الشكر بقى؟ الشكر له ثلاث معاني في اللغة. المعنى الاولاني الزيادة. الزيادة هو الباروك ده خد ايه؟ ده خد شوية ندى.

ده ده ما نزلش مطر وطلع وظهر ونبت. واداك علاجات نبات عشبي. الزيادة. يعني ايه الزيادة؟ يعني - [00:18:24](#)

يعني ربنا الشكور اللي بيديك زيادة اوي اللي لو ادبت آآ آآ طبق آآ يعني حلويات لفقير يرجعه لك من مجوهرات الجنة. يرجع طبق فيه

فيه شريط دواء علاج سرطان كان هيبجي وربنا صرفه. يرجعه لك. يرجعه لك فوق ما تتخيل. الشكور اللي - [00:18:44](#)

بزيادة. يعني ايه اصلي ركعتين يعني من ادان واقامة الفجر خير من الدنيا وما فيها. يعني ايه خير من الدنيا وما فيها؟ يعني يعني

الارض اللي احنا فيها دي يا جماعة - [00:19:04](#)

المتري هنا بكام يا اخوانا؟ حنة الارض هنا بكام مليون يا رجالة؟ الله! اومال الشارع دا بكام بقى؟ مش الارض بكام؟ مش العمارة كان

الشارع ده بكام؟ امال يا اخوانا اومال القاهرة دي تمناها كام؟ تمن القاهرة ديت بكام؟ ده مش ممكن ولا خزائن الارض كلها تشتري

مدينة - [00:19:14](#)

امال قارة افريقيا بكام؟ اومال القارات السبعة بكام؟ انت متخيل يعني انك صليت ركعتين ربنا يعتبرهم لك. كانك ملكت الارض ثم

تصدقت بها لله. انت متخيل يعني ايه؟ خير من هو ده الشكور بقى اللي بيديك زيادة اوي اوي اوي. هو انت ممكن - [00:19:34](#)

راح ليه؟ يعني عربيتي عطلت. جه ميكانيكي يشوفها. اقوم آآ كاتب له شيك بميت الف دولار! يا عم انت آآ عشان كده الراجل يوم

القيامة وهو داخل الجنة فربنا بيقول له اعزم ملك من ملوك الدنيا ايامكم كان مين؟ فيقول له مسلا فلان يقول له طيب انت لك آآ آآ

مس - [00:19:54](#)

ومثله ومسله ومسله ومسله يا رب وعشرة امساله الراجل بيقول لربنا في الاخر ايه انتهاز بي وانت رب العالمين انت بتسخر مني يا

رب انا يا رب في الدنيا يعني ما كانش حد بيتريق علي. انا يا رب انت بتهاز بي يا رب. هو مش مصدق واحد جاي - [00:20:14](#)

صلح لك مروحة قمت خابط ايدك في شيك بمليون دولار وقمت مديهم له. فيقول لك ايه يا استازا! انت بتتريق على ايه يا استازا! هو

انا جاي هنا اتهزق ولا ايه - [00:20:34](#)

هو مش متخيل ان ده الاجر اصلا بيقول له هتهزأ به. وانت رب العالمين. يا رب هو كل ده ليه؟ هو انا عملت حاجة؟ ده ده غير اهل

الجنة اصلا ده الاخير على البشرية في الجنة. الزيادة تروح تصلي ركعتين في الحرم دافع بهم كم دول. مية الف - [00:20:44](#)

الف ركعة الركعة بميت الف. تيجي يوم الجمعة بدري يعني جاي الجامع ده الساعة سبعة الصبح او ستة الصبح من بكر وابتكر وغسل

واغتسل بدري وما واخذ دش ولا بس هدوم مغسولة كلها من على الحبل بما فيها الشراب اللي هو لابسه حتى ودنى من الامام واستمع

وانصت فله - [00:21:04](#)

وبكل خطوة خطاها الى المسجد. اجر سنة. صيامها وقيامها. سنة. الخطوة بسنة هو ده الشكور ياخذ التمراية فيريبيها له كما يربي

احدكم فلوا. شوفوا الناس الاغنيا اللي عندها مهر عربي اصيل - [00:21:24](#)

عامل له بقى في الجنينة بتاعة القصر اسطبل مخصوص وجايب له واحد يسايسه وجايب له يعني تخيل بقى بيقرأه قد ايه! يعني لنا واحد سافر دولة من الدول المشهورة جدا في العالم يعني اللي بيحكمها ملك من الملوك المشهورين. في العالم ويشتغل سايس سايس حصان فالملك ده - [00:21:44](#)

ده حقيقة وكل الشخصيات موجودة يعني في الحياة. فالملك ده معدي في جنينة القصر بتاعة فلقاه بيتعامل مع الحصان طريقة مش طبيعية. فيقول له انت مين؟ ده مش تعامل سايس مع حصان. فقال له انا دكتور بيطري. انت دكتور بيطري! طب وقبلت انك تشتغل سايس ليه؟ قال له - [00:22:04](#)

عشان اللحزة دهى قال له عشان اللحزة دهى يوم ما هقابلك. قال له طيب اطلب عادة الملوك بقى لما بيعجبهم حد يقول له اطلب. قال له الجنسية. قال له نعم؟ قال له - [00:22:24](#)

جنسية اداله الجنسية هو مخطط انه يجي هنا عشان لما يقابله في جنينة القصر ياخذ الجنسية عادة الناس اغنيا المهر بتاعة. فرينا بيقول لك انا العمل الصالح بتاعك ده الابتسامة اللي ابتسمتها في وش الطفل ولا في وش صاحبك ولا في وش الناس في الشارع دي دي عند ربنا - [00:22:34](#)

زي المهر العرب الاصيل عند الراجل الغني. ربنا يربيهما حتى يكون مسل جبل احد. تيجي يوم القيامة تلاقي حنة التمرية يا اللي طلعت في كيس تمر بقى في رمضان مسلا لاسرة فقيرة. تخيل بقى لو لو الشكور شكر له بقى جبل احد. اللهم اغفر للمؤمنين والمؤمنات. آآ بكل - [00:22:54](#)

مؤمن حسنة يعني مليار ونص مسلم مليار ونص حسنة بدعوة. اللهم اغفر للمؤمنين والمؤمنات والمسلمين والمسلمات. الاحياء منهم والاموات الى يوم الدين. الله اكبر. شفت الشكور؟ الشكور يدك السانية بيوم. ازاى ليلة القدر خير من الف شهر؟ يعني اضرب في ستين الف مكالمة - [00:23:14](#)

صلة الرحم بستين الف. يعني صفحة القرآن بميت ختمة القرآن. آآ يوم عرفة بقى اللي جاي قريبا بازن الله سبحانه وتعالى. الله يملأ حياتنا بتاعته ويحيي ليلنا ونهارنا بطاعته يا رب. يوم عرفة الدقيقة بيوم. الدقيقة ده الصيام بس مش باقي الاعمال. صيام اتناشر ساعة بتكفير زنوب - [00:23:34](#)

سنتين اربعة وعشرين شهر. يعني الساعة باربعة يعني الستين دقيقة باربعة وعشرين شهر. يعني الدقيقة بشهرين يعني الستين سانية بستين يوم. انت تخيل انت بتعامل مع مين؟ انت متخيل ان ربنا يدك سانية سانية صيام بيوم قعدت من اوله لاخره خاربهها - [00:23:54](#)

في السيئات انه غفور شكور. اللي يعرف اسم الله الشكور يحب ربنا اوي. ويقبل على الله ويستبشر اوي. يستبشر مين فهيدك زي اللي ربنا بيدك. فعلا ليس كمثلته شيه. ما هو ربنا قال ليس كمثلته شيه فيهم. جعل لكم من انفسكم ازواج. تشتريها بكم دي؟ كنت امبارح - [00:24:14](#)

طفلين بيتكلموا مع بعض يعني. فواحد بيقول له يا عم رح ده انت ده انت لو باعوك كلك من اولك لاخره كده ما تجيبش جنينه. قال له ليه يا عم ده انا ايدي دي اغلى من مية مليون جنينه. طفل عنده سبع سنين - [00:24:34](#)

قال له ايدي داخلة بمليون جنينه. فبيص لي كده بيقول لي صح الكلام ده. قلت له يا ابني والله هو انا مليارات الدنيا تعوض ايدك! ربنا يحفزنا يعني. لو واحد ايده راحت - [00:24:44](#)

ولا عضو راح؟ انت اللي ربنا اداه لك في جسمك اغلى من الدنيا واللي فيها كله. انسان يبقى فاهم ربنا ادى له ايه. يبقى عارف ربنا عمل له ايه سبحانه وتعالى. يعني ايه سبحانه الله وبحمده ميت مرة غفرت ذنوبه؟ ذنوبه دي ممكن تكون زنا وربا وعقوق يعني ايه غفرت له ذنوبه وان كانت مسل زبد البحر - [00:24:54](#)

هو هو الشكور بيدي كده! ده احنا لسة في المعنى الاول. اللي هو الزيادة الشكور يعني الذي يزيد الاجر فوق العمل. هو فتش عن الشكور في ماضيك. فتش عن الشكور. فتش الشكور عمل لك ايه - [00:25:14](#)

هو فيه واحد منا لو مرة قبض بالدولار ينسى المرة اللي قبض فيها بالدولار! هو لو واحد منا سافر اشتغل عقد عمل وقبض بدولار ولا قبض دينار اللي بخمسين جنيهه الوقتي ولا بكم؟ ما اعرفش بقى بكام حالا؟ هو هينسى انه لما كان يعني قبض مسلا في عملية جراحية ولا في ايا ما كان - 00:25:30

بقى قبض حي وفوجئ ان اضرب في عشرين واضرب في خمسين بالعملة بتاعته. هو ايه ده يا جماعة؟ ما حدش بينسى لما خد اجر كويس ربنا بقى بيدي فوق ما تتخيل وما تتصور سبحانه وتعالى. ربنا سبحانه وتعالى بيديك بالخطوة اجر سنة. بيديك بالثمرة اجر جبل - 00:25:50

بيديك بساعة او ساعة الا ربع زكر بعد الفجر كان له اجر حجة وعمرة تامة تامة تامة. الزيادة اشكر من باروك. اشكر بالندى بس كده. يعني ايه؟ يعني مجرد ما بدأت تغيم النبات بدأ يطلع. يعني ايه ربنا الشكور بقى؟ بمجرد - 00:26:10

ثم بدأت تنوي الخير شكر الله بدأ. بمجرد ما بدأت مشاعرك تتحرك تجاه العمل الصالح. عطاء الله بدأ بمجاهدة ده لسة ما ندعتش حتى وبدأت العطاءات تنهمر من الله الشكور. المعنى الثاني بعد معنى الزيادة هو معنى الامتلاء - 00:26:30

الامتلاء المعنى الاولاني يقول لك دابة شكور يعني كلت آآ على فلان جدا وادت سمن ولحم كتير جدا. او مال معنى الامتلاء؟ يقول لك نقص شكور اي امتلاً ضرعها باللبن. يقول لك بئر شكرا اي مملوءة بالماء مليانة بالخير. الشكور - 00:26:50

لو شكر لك هيملى حياتك خير. هيملى الجنة الرسول صلى الله عليه وسلم يقول قام آآ لموضع صوت احدكم في الجنة ان خير من الدنيا وما فيها، يعني ايه؟ موضع الصوت هو الصوت ده مسلا ايه؟ متر ونص مسلا متر آآ يعني متر مربع يا عم خليها - 00:27:10

متر مربع. الرسول بيقول لك بقى كمية اصناف النعيم اللي موجودة في متر مربع من الجنة اعظم من كمية اصناف النعيم والجمال والحب والترفيه والشواطئ والمنتجعات السياحية ومال القوة والشباب والفلوس واليخوت وكل وسائل الترفيه والمتعة اللي في العالم متر في الجنة كمية اصناف النعيم اللي فيه - 00:27:30

اعلى من كمية اصناف النعيم اللي على وجه الارض كلها. مليانة مكننزة بالنعيم. هيملى جنتك بالنعيم. عشان كده جنة الصائمين اسمعوا الريان اللهم اعنا على الصيام والقيام يا رب. اللهم انا نسألك العفو والعافية. اسمها الريان ليه؟ هتنتعم لحد ما تتروي جميع شهوراتك - 00:28:00

كلها وهيملى حياتك بالعطاء والخير. وهيملى صحيفتك بالحسنات. وهيملى قلبك بالنور والايمان واليقين. وهيملى نفسيتك بالسعادة والرضا والانشراح. وهيملاً هيملى حياتك. الشكور هيملى حياتك من معاني الشكر. الامتلاء. المعنى الثاني - 00:28:20

للشكر الاظهار. يقول لك شكر عكس الكفر واضحة. يعني ايه كفر؟ الفلاح اسمه كافر. لانه بيكفر البثور اغطيها يسترها. فالشكر اي يظهرها. بيقي الشكر يعني الاظهار. عشان كده في علماء لغة قالوا الشكر هو مقلوب الكشر - 00:28:40

والكشر هو الاظهار. يقول لك كشر عن انيابه. يعني ايه تكشر عن انيابه؟ الناس متهيأ لها معناها ان هو يعني تجهم لقي. كشر في ابتسم. ابتسامه واسعة حتى ظهرت اسنانه. ده التكشير في اللغة عكس عكس اللي متعارف عليه يعني في اللغة. فده التكشير في اللغة - 00:29:00

فيقول لك الشكر مطلوب الكشف فهو نفس المعنى معنى الاظهار. يعني الاظهار. يعني ربنا لو حبك لو ربنا انت عملت عمل الشكور شكره ينادي في ملائكة السماوات يا جبريل اني احب فلان وينادي جبريل يا اهل السماء ان الله يحب فلان - 00:29:20

ينادى في الارض يوضع له القبول في الارض. يبقى انت قاعد بتصلي ركعتين في بيتك ما حدش شايفك. وبتشتغل في الاعمال الخيرية ما حدش عارف عنك حاجة والشكور يظهر حب الناس كلها في قلبك. طب انا يا رب انا ما قلتش للناس حاجة. الشكور بقى اظهر الجميل. اظهر الجميل ما الاظهار - 00:29:40

الاظهار واعلام ملائكة السماوات وصالحي الارض. هو فيه ايه؟ واجعلنا للمتقين اماما. بقى الناس الصالحة جاية بتؤمك وده بيحبك وده عايزك هو فيه ايه؟ كل له اواب. بقت القلوب بتوب اليك. الشكور. وكان سعيكم مشكوراً. المعاني - 00:30:00

كلها الجميلة قوي دي الامتلاء والزيادة والاظهار. ربنا بيديك سوابك ست مرات. الشكور بيديك سوابك ست مرات مش بيديك سوابك

على ست دفعات. لأ مش بيقسط. بيديه لك ست مرات. الشكور بيديك سواب - 00:30:20

كل حاجة من الكلام ده. بيدوا لك جملة وقطاعي. وبيديه لك عاجل واجل. وبيديه لك دنيا واخرة جملة يعني مسلا الصيام. الصيام جملة. آأ اول ما يموت للصائم فرحة. فرحة عند دخول قبره. وتلاقي الصيام واقف عن يمينك في القبر - 00:30:40

ما قبلي مدخل يقول لملايكة العزاب والله ما حد مقرب من هنا. ناحيتي ما حدش ما فيش ملك عزاب ده. ما ليش دعوة عمل ايه؟ حدش هيعدي له من ناحيتي والصلاة طبعاً من عند رأسك ومتحاوط بالبودي جارادات العبادات اللي انت عملتها. وتلاقي نفسك على

الميزان تلاقيه الصيام الا الصوم في - 00:31:00

لي وانا اجزي به. حاجة وتلاقيه على القنطرة ده جاي يقول لك حقي. انت اغتبتني! انت الصيام ممنوع انه يتاخذ. من حسناتك وحد تاخده ليه؟ ممكن ياخذ الصلاة، ممكن ياخذ الزكاة الا الصيام. حصانة ربانية على عبادة الصيام. وتلاقي في العرض على الله واقف

يشفع لك عند الله، ده اسمه - 00:31:20

الجملة الجملة امال الصواب القطاعي لا لا يا باشا ده مش اسم الصيام بقى. ده متقطع سنتوفة سنتوفة. سواب السحور ان الله وملائكته يصلون على المتسحرين. طب سواب ريحة بوقك اللي بسبب المعدة الفاضية لخالفه فم الصائم اطيب عند الله. من ريح

المسك. طب سو - 00:31:40

انك انت قعدت ما تاكلش ولا تشرب يدع شهوته وطعامه وشرابه من اجلي. فده له سواب خاص عند الله. طب سواب النية على هو ايه ده! ده ربنا اداك السواب مرتين. مرة جملة ومرة قطع قيس على كده كل حاجة. الصلاة لها سواب. انما تكبيرة الاحرام ثواب لوحده.

الصف الاول ثواب لوحده. صلاة - 00:32:00

سواب لوحده. ازكار بعد الصلاة صواب لوحده. الخشوع صواب لوحده. كل خطوة للجامع رايح جاي سواب لوحده. عد بقى يا مولانا مش هتخلص. طب والحاجة الثالثة عاجل واجل. يعني ايه عاجل واجل؟ يعني بيديك سواب يعني مسلا صلة الرحم يطول عمرك

ويزود رزقك. ده عاجل - 00:32:20

اوعى تفتكر اجل يعني في الاخرة. ده انا باكلم دنيا بس. عاجل واجل دنيا بس. ما بينساهلكش ابدأ. ابدأ. مهما مرت السنين الثلاثة اللي اتقفل عليهم الصخرة. واحد قال امي وابويا برتهم ممكن يكونوا امه وابوه ماتوا من عشرين سنة. وواحد قال للراجل اللي كنت امين

معه في الشغل ممكن الموقف ده - 00:32:40

من خمستاشر سنة وواحد قال البنت اللي قدرت على الزنا معها وفي الاخر اديتها الفلوس صدقة لانها محتاجة وتعافت ده ممكن يكون الموقف ده من خمسة وعشرين سنة. ممكن الراجل ده دلوقتي ولكن ربنا ما نساها لهمش. حياتهم انقزت بسبب ثلاث اعمال

صالحة. ثلاث اعمال صالحة انقزتهم من الهلاك - 00:33:00

ما فيش ربنا زي ربنا سبحانه وتعالى لما بيقول ده ده الاجل بقى. زي ربنا بيقول وكان ابوهما صالحا. المفسرين بيقولوا ابوهما ده الجد السابع انا عايز واحد يقوم في المسجد الوقتي وله جايزة كبيرة اوي. يقول لي اسم جده السبع ايه. بس يجيب ادلة رسمية عشان ما

بيقاش بينصب علينا - 00:33:20

اسم جدك السبع ايه؟ تخيل انت ما انتاش عارفه وممكن لو راجل صالح انت الوقت عايش في الخير بتاع العمل الصالح بتاعه. ممكن ان حفيدك السابع ربنا هينفعه في حياته بسبب خطبة الجمعة اللي انت قاعدها ده. انت متخيل! ربنا ما بينساش! الشكور بيشكر -

00:33:40

اذكر عاجل واجل. امال عاجل بقى. اه عاجل صلة الرحم تطول العمر وتزود الرزق. ابن تيمية كان يعظم حديسا وكان يعظمه كثير من العلماء زي عصيمن وغيره ان النبي صلى الله عليه وسلم يقول اني رأيت البارحة عجباً. رأيت رجلاً اتاه ملك الموت فجاءه صلة الرحم

- 00:34:00

فذهب عنه ملك الموت. يعني ايه يطول له عمره؟ ازيك يا ابن تيمية كان يعظمه حديس طويل جدا جدا يعني. اللي اللي طب ما بالك بقى بتخفيف الم الموت بقى ما بالك ده سوابات من الله. طب وعاجل ثاني ابن تيمية يقول اذا عملت عملاً صالحاً فلم -

تجد لذة في قلبك ولا انشراحا في صدرك فاتهم العمل. فان الله شكور. انا طب اطيع ربنا ومش سعيد. يبقى انت بتطيع عشان حاجة انت عايزها. مش عشان ربنا. يبقى انت لسة مش لائق. لسه العمل ده نيتك فيه فيها مشكلة - [00:34:40](#)

فيه حاجة الله اعلم هي ايه خد بالك بقى لان ربنا شكور ابن تيمية بيقول لك ما ينفعش واحد صالح ما يبقاش سعيد. طب انا مش سعيد شف بقى ربنا شكور - [00:35:00](#)

مش مش هينفع وكان سعيكم مشكورا وبعد كده دنيا واخرة بيديك دنيا وببيدك جنة وقبر وقيام عملك واقف لك جملة القطاعي دنيا واخرة عاجل واجل. ايه بعد كده؟ مين هيديك ده؟ مين اللي هيعمل لك اللي ربنا يعمل لك؟ العنصر الاخير ان شاء الله في الخطبة - [00:35:10](#)

انه غفور شكور. اقول قولي هذا واستغفر الله لي ولكم. الحمد لله وكفاه. وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله. اللهم صل وسلم وزد وبارك على الحبيب محمد عبد خلقك ورضا نفسك وزنة عرشك ومداد - [00:35:30](#)

كلماتك انه غفور شكور. انت متخيل الكلمة دي جاية لنا مينين آآ اسم الله الشكور مذكور في القرآن اربع مرات. ثلاثة منهم انه غفور شكور والثلاثة منهم جاي. واحدة جاية من جوة الجنة. فيه اسماء لله جاية من جوة الجنة. زي اسم الله ايه؟ انه هو البر الرحيم - [00:35:50](#)

انا كنا من قبل ندعوه انه هو البر الرحيم. يعني مش هتعرف يعني ايه البر؟ الرحيم غير جوة الجنة. اهو دي بالضبط. مش هتعرف يعني ايه انه غفور شكور زي ما هتعرفك جوة الجنة. الجنة دي اول اسم هتفتكروا اول ما تشوفها الشكور. هو انا عملت ايه يا رب عشان خير كل ده! اه الزيادة بقى والامتلاء والازهار - [00:36:10](#)

ده قصص يا مولانا. قصص اسم الله الشكور ده من اعظم الاسماء اللي تفتح نفسك للحياة وتعلي همتك على كل الاعمال الصالحة. لان كل عمل صغير الكبير يبشكروا لك انه غفور شكور. غفور انا مزنب غفور. طب يا رب انا اطعت. شكور. انت ايه مشكلتك - [00:36:30](#)

انت مكتنب ليه؟ يعني يعني كنت ببص على حاجة كده امبارح على السوشيال ميديا فلقيت درس للاسف الشديد يعني للاسف الشديد هو الدرس ده لي. للاسف يعني اسمه اسباب الطرد بعد رمضان. يعني والله العزيم يعني لولا - [00:36:50](#)

انا انا كنت رحمت ايه يا جدع! انا قلت لنفسى! يا جدع! اتق الله! بعد رمضان بنكلم الناس عن اسم الله الشكور عن اسباب دخول رحمة الله اسباب سعة رحمة الله. هو ايه اللي احنا كنا بنعمله زمان ده؟ اسباب الطرد بعد رمضان. ده انت بعد رمضان مستني عطاءات الله الشكور. ونفحات الله - [00:37:10](#)

الشكور انه غفور شكور. اسمي حبيبك في ربنا. اسمي يفتح نفسك للحياة. شكور؟ ربنا يبشكر ايه؟ ايه يا جماعة اكثر اعمال ربنا يبشكرها. ايه اكثر اعمال؟ انا عايز ربنا يتجلى علي باسمي الشكور. ايه اكثر اعمال ربنا يبشكرها لي؟ من اكثر الاعمال اللي ربنا ما بينساهاش - [00:37:30](#)

للعبد ابدأ. الشهامة. الشهامة سواء مع اهل في الدنيا او في الدين. الشهامة عثمان ابن طلحة لقي وسلمة ام سلمة ورايحة تهاجر هي وابو سلمة آآ للنبي قومها طلوعوا وخدوها غصبن عنها من جوزها وهو هاجر وهي اتحبست - [00:37:50](#)

كاملة مع قومها. قومها بعد سنة خلاص بتموت وخست النص وقاعدة تعيط ليل نهار. يا عم سبوها. مقعدينها تعمل ايه؟ روعي لجوزها بس والله ما حد فينا احنا متبرئين منك. ولا حتى هنديكي دابة تركيبها. ولا حد هيوصلك. يلا - [00:38:10](#)

روحي بقى ان شاء الله حد يقتلك في الطريق ولا حد يموتك ولا يعمل فيك اي حاجة في الطريق. فهي طالعة من مكة للمدينة خمسمية كيلو في الصحرا شاب جميلة انت متخيل دي يعني خمسمية كيلو دول هيعدوا عليها ازاي؟ ولا ممكن يحصل فيها ايه؟ مين اللي شافها عثمان ابن طلحة؟ عثمان ابن طلحة ده من بشوات - [00:38:30](#)

مكة باشا يعني مش باشا ده سوبر باشا. ده ده اللي معه مفتاح الكعبة. انت متخيل ده مين؟ مفتاح الكعبة معه. فعثمان ابن واحد من

امجاد امجاد مكة. فشافها وهو شاب فيقول لها انت رايحة فين ؟ قالت له الى زوجي في المدينة. فقال والله ما لك من مترك -

[00:38:50](#)

اسيبك ازاي؟ انت طالعة فين ومين اللي سابك لوحده؟ مين المجرم اللي سابك لوحده؟ رغم ان العداء ده ده عثمان ابن طلحة ده رفض ان يدخل النبي الكعبة قبل كده. النبي دخل الكعبة مع مع عثمان ابن طلحة المفتاح رفض. ما انتاش مدخلك. الكعبة فضل معها

[00:39:10](#) - خمسماية كيلو لحد ما اوصلها -

طبعاً خايف يقرب من المدينة اكثر من كده لان عدااء رهيب. بين مكة والمدينة قال لها هنا زوجك. وقام راجع تاني. ام سلمة مزهولة من الخدمة التاريخية هي اللي اتعملت لها في حياتها. ربنا بقى مش هيسيبك. ربنا مش هيسيبك ابدأ. فقالت والله ليشكرنها الله لك

[00:39:30](#) - ولو بعد حين -

والله وربنا ما هينساها لك ابدأ. وما كان ربك نسياً. بعد سبع سنين. سيدنا عثمان ابن طلحة يسلم قبل فتح مكة فيه ناس بتقول اصلاً فاتح مكة ده غلط. ده اسلم قبل فتح مكة. فيوم فتح مكة. النبي عليه الصلاة والسلام خد مفتاح الكعبة منه واداه للعباس. اداه للعباس

[00:39:50](#) - ابن -

عبدالمطلب ان العباس هو اللي يبقى ماسك السدانة بتاعة الكعبة. فيروى في التفاسير انه نزل قول الله ان الله يأمركم ان ادوا

الامانات الى اهلها اهلها هنا مين عثمان ابن طلحة؟ سيدنا محمد ندى العباس خد منه مفتاح الكعبة وقدم اهل مكة كلهم - [00:40:10](#)

نادى عثمان ابن طلحة سلمه مفتاح الكعبة وقال خذوها يا بني يا بني عثمان ابن طلحة او خذوها يا بني شيبه لحد النهاردة خالدة

تالدة لا ينزعها عنكم الا ظالم. المفتاح بتاعك انت راجل مفسرين قالوا لانه كان امين مع ام سلمة. فربنا - [00:40:30](#)

استأمنوا على الكعبة هو واحفاده ليوم القيامة. النهاردة اللي معه مفتاح الكعبة الحفيد رقم مية وتلاتة عثمان ابن طلحة كان مفتاح الكعبة من يوم عثمان لحد دلوقتي مية وتلاتة واحد مسكوه. كلهم احفاد عثمان ابن طلحة كلهم من بني شيبه. لحد النهاردة بنوا شيبه

[00:40:50](#) - في مكة -

وهم اللي ماسكين مفتاح الكعبة. ولحد النهاردة لهم دورين كده في في فندق الهيلتون قدام الكعبة المشرفة. قاعدين في مكة عشان سنة الكعبة ومفتاح الكعبة ربنا شكور سبحانه وتعالى. ربنا بيشكر ايه؟ بيشكر الشام. حتى لو للكافر. ابو طالب كافر. استشهد مع النبي

[00:41:10](#) - عليه الصلاة والسلام. خرج من -

قاع جهنم وبقي اقل اهل النار عزبا. ليه؟ بسبب الشهامة. الكافر لو وصل الرحم كما روي عن النبي عليه الصلاة والسلام. الكافر لو وصل

الرحم ربنا يزود رزقه. وربنا يوصل عليه الرزق المדרך. ده كافر. الله الشكور يشكر هذه الصفات - [00:41:30](#)

صفة الشهامة صفة التضحية عشان ربنا. الله! فيه اثر يا جماعة! هو الاثر في سنده كلام. ولكن الاثر هو بيدور مع القرآن والسنة ان الله

يأتي يوم القيامة واول منادي ينادي من الله. اين الذين اجرهم على الله؟ فيقوم ثلاثة فيقوم الصابر - [00:41:50](#)

والصائمون والعافون عن الناس اولئك الذين اجرهم على الله. ما هو ربنا بيقول كده فمن عفا واصلح فاجرهم على الله. العفا يعني ايه؟

عفا يعني قلبه نضيف. بس ده زلمك. والله ولا في قلبي اي حاجة منه. بس ده شتمك - [00:42:10](#)

ده بيكرهك بس قريبيك ده زور شيكات عليك وكان هيسجنك عشان ياكل الورس بتاعك. بس دي عملت فيه. يا عم والله العزيز انا ما

انا فاكر حاجة لحد ولا في دماغ الدنيا باللي فيها وده العفو فمن عفا. طب بقيت فاضي بقى هعمل ايه؟ واصلح وتفرغ للاصلاح.

[00:42:30](#) - اصلاح نفسه واصلاح الواقع -

الاصلاح بين الناس. يا عم الناس ما هي الشكورة ربنا هو اللي شكور. الناس روحك معها وفي الاخر ولا حد بيقول شكرا حتى. بحق

حقيقي. يا عم وفر عمرك. وادي لربنا واعرف مين اللي يستاهل. ربنا سبحانه وتعالى الشكور بيشكر لك ايه؟ ده هو المحسن -

[00:42:50](#)

ده هو اللي اداك النعمة يشكرك عليها. قال لك يشكر لك احسانك الى نفسك وليس احسانك الي. انه غفور شكور ربنا جميل اوي

وصفات ربنا جميلة اوي. كل ما هتتعجب عشان ربنا كل ما ربنا يديك سيدنا ابراهيم فلما اعتزلهم انا هاسيب بلدي ووطني عشان الدعوة

وعشان ربنا وما يعبدون وما يدعون من دون الله وهب واعتزلوكم وما تدعون من دون الله. عسى وادعو ربي عسى ان لا اكون بدعاء ربي فلما اعتزلهم وما يعبدون من دون الله وهبنا له اسحاق ويعقوب. وكلا جعلنا نبيا ووهبنا لهم من رحمتنا. ايوة مش كان امة -

00:43:30

قانتا لله شيه خشن شاكرنا لانعمه اشتباه وهده الى الصراط المستقيم. فتحت عليه في الدين. واتيناه في الدنيا حسنة. تحسين مستوى المعيشة وفتحت عليه في الدنيا. وانه في الاخرة لمن الصالحين. وفتحت عليه في الاخرة. هو ربنا قال كده. هو سيدنا

سليمان واوتينا من كل شيه - 00:43:50

ربنا اما بيدي بيدي. الشكور اما بيشكر بيدي انه غفور شكور. اخواني واحبابي في الله. في اعمال ربنا ما بينسهاش ابداء في اعمال سالحة كل مرة اتكلمت فيها عن ربنا لن ينساها لك الله. كل مرة امرت بمعروف ونهييت عن منكر لن ينساها لك الله. كل مرة جبت

عيالك الاطفال - 00:44:10

قعدت تكلمهم عن ربنا وتأهلهم للحياة بالله ربنا لن ينسى لك. كل عمل خيري كل صدقة كل ابتسامة في وش حد كل ركعتين كل ركعة وتر كل اية قريتها كل اية حفظتها. كل درس ديني حضرته كل عمل لن ينساها لك الشكور - 00:44:30

سبحانه وتعالى. اللهم يا ربنا اللهم تب علينا توبة ترضى بها عنا. اللهم تب علينا توبة نصوحة. اللهم تب علينا توبة ترضيك. اللهم

نستغفرك من كل ذنب عصيناك به. ونستغفرك من كل صلاة ضيعناها. ونستغفرك من كل ذنب تبنا اليك منه ثم عدنا اليه - 00:44:50

يا من تبسط يدك بالليل ليتوب مسيء النهار. تب علينا يا ربنا من ذنوب الليل والنهار. اللهم انك غفور شكور. اللهم اغفر لنا وتب علينا.

اللهم زدنا ولا تنقصنا. واكرمنا ولا تهنا. واعطنا ولا تحرمنا. واثرنا ولا - 00:45:10

علينا وارضا وارض عنا. اللهم انا نسألك من الخير كله. عاجله واجله. ما علمنا منه وما لم نعلم. ونعوذ بك من الشر كله عاجله واجله ما

علمنا منه وما لم نعلم. ربنا اتنا في الدنيا حسنة وفي الاخرة حسنة وقنا عذاب النار - 00:45:30

اللهم اهدنا فيمن هديت. وعافنا فيمن عافيت. وتولنا فيمن توليت. وقنا واصرف عنا شر ما قضيت وبارك اللهم لنا فيما اعطيت. انه لا

يزل من واليت تباركت وتعاليت. اللهم انا نسألك العفو والعافية. اللهم انا - 00:45:50

نعوذ بك من زوال نعمتك. وتحول عافيتك وفجاءة نعمتك وجميع سخطك. اللهم مصرف القلوب صرف قلوبنا على طاعتك اللهم اهدنا

وسددنا ووقفنا وارشدنا. ربنا هب لنا من ازواجنا وذرياتنا قررة اعين. واجعلنا للمتقين - 00:46:10

يا غفور يا شكور. يا غفور يا شكور. يا غفور يا شكور. انك ولي ذلك والقادر عليه. سبحانك اللهم وبحمدك اشهد ان لا اله الا انت

استغفرك واتوب اليك - 00:46:30